

第六五二冊

理學彙編

字學典

書家部

(卷)

一七—一三〇

古今圖書集成

中華書局影印



古今圖書集成

卷一百一十五

欽定古今圖書集成理學彙編字學典

第一百十七卷目錄

書家部法書名家列傳二十三

明一

晉恭王桐 周定王權 寧獻王權 湘獻王柏 宋濂 劉基 高啓 楊基 徐賁 危素 危獻 宋懌 宋懌 杜環 詹希元 宋克 宋廣 揭樞 朱希 張辰 朱希 桂慎 胡廷鉉 汪廣洋 吳雲 趙好德 鄭沂 詹儼 朱同 程曰可 邵諒 陳孟顥 熊鼎 俞貞木 陶宗儀 俞和 錢達 胡翰 王康 葉見泰 張宣 張憲 焦伯誠 顧祿



孔彥綰 王行 邵亨貞 烏斯道 陶繼 詹俊 馬治 劉永之 張員 盧熙 周砥 唐肅 趙搗謙 鄭定 林彌 黃瑛 袁復 解泰 金鉉 陸顥 劉檝 鄭煜 楊引 吳懋 吳存 馬兼善 鍾弼 秦約 袁華 朱應辰 陶琛 曾鼎 吳履 張簡 袁養福 盧熙 盧充 王時 謝肅 林鴻 李汶 胡泰 黃銓 陳昇 金鉉 陸闔 沈元素 張宗華 羅性 吳宏 俞友仁 張矩 張翼 葉昭

章復 蕭質 朱季子 陸行直 徐定 粘鵬 朱定安 鄭濟 劉敏 陸宗善 任勉之 章炳如 徐濟 胡時 屠任 顧孝淵 顧恕 黃壽 謝林 鄧金 吳原頤 林瑜 董紀 王佐 范禮 吳均 黃昶 林奐 孔訥 桂衡 楊曜宗 秦震 朱吉 朱永安 鄭燧 劉朴 楊煥 俞仲幾 楊彝 劉理 林觀 嶽彥高 胡璉 黃采 王洪 張紳 薛穆 芮麟 龔炯 周淵 薛積 馬孜 顏怒 劉爆

吳植

張鑾

沈宗學

沈貴成

都嗣成

徐彥裕

楊仁壽

周昉

金穎伯

李善

祝望

許鳴鶴

程輅

陸仁

沈世遠

何琮

謝章

胡朝翰

芮善

張壁

施惟中

字學典第一百十七卷

書家部法書名家列傳二十三

明一

晉恭王櫛

按名山藏晉恭王櫛國太原高后生年十三封洪武

二十八年薨

按朱謀聖書史會要恭王高皇帝第三子嘗命臣僚

集鍾王帖中散逸字編成文句併千字文刻石傳世

周定王櫛

按名山藏周定王櫛高皇后生初封吳國錢塘改封周國開封府王好學能詞賦工書製元宮詞百章時人以比之三輔黃圖

湘獻王柏

按海隅集湘獻王柏高皇帝第十一子洪武十一年受封建國於荊州幼而粹美讀書恆至夜分每出入以縹囊盛書自隨或遇佳山水必徘徊終日刻石紀事詩歌豐腴書法遒勁平居被服雅如建文初有讒之者闔宮自焚成祖靖難聞之嗟悼不已諡曰獻

寧獻王權

按朱謀聖書史會要寧獻王權高皇帝第十六子也始封大寧徙南昌神姿秀朗慧心天悟始能言自稱奇士好古博學旁通釋老著述甚富兼善書法著書評一卷

劉基

按明外史本傳劉基字伯溫青田人舉元進士為浙江儒學副提舉投効歸會太祖定處州總制孫炎以上命致書幣遂趨金陵陳時務十八策太祖禮之甚至洪武元年拜御史中丞三年授弘文館學士封資善大夫上護軍誠意伯

按朱謀聖書史會要公洞徹性理之學九精天文兵法善行草

宋濂

按名山藏宋濂字景濂浦江人學於吳萊名文章高帝既下發聘為教授或時為文坐濂榻下口授書之洪武九年特授翰林承旨自至少老未嘗去書豐體近視乃一黍上能作字十餘諡文獻

按鮑翁家藏集宋太史書清古有法按書史會要郎仁寶云公草書有龍盤鳳舞之象按六研齋筆記唐宋名公俱以行草擅場昭代精細楷者宋景濂一人而已

高啓

按李志光高太史傳高啓字季迪吳郡人少警穎力學遂工於詩居吳淞江上歌詠自適明興以薦與修元史授翰林國史編修官久之推任喉舌之司待以不次懇辭歸里遨遊青丘甫里之墟始號槎軒又號青丘子

按書史會要啓善楷書飄逸之氣入人眉睫行草入妙

楊基

按名山藏楊基字孟載著書十萬餘言名曰論鑒與高啓張羽徐賁號吳中四傑王師平吳籍置臨濠又遷之豫後起令平陽復從坐徙白鹿為從史再起東安還授員外出按山西

按書史會要楊基正書師鍾元常行草師二王

張羽

按名山藏張羽好著述文辭典雅紀載行事詳而有體洪武初以儒徵對不稱旨放還又徵起為太常丞按書史會要張羽喜臨蘭亭帖

按弇州山人稿張羽隸書法韓擇木

按詹氏小辨張羽楷法右軍曹娥碑雖未精極却能離俗而入於雅

徐賁

按明外史本傳徐賁字幼文其先蜀人徙平江洪武

七年被薦至京九年奉使晉冀還檢其橐惟紀行詩數首太祖悅授給事中遷廣西叅議擢河南左布政使

按詹氏小辨徐賁小楷法鍾兼虞亦雅然皆拘拘法內

按書史會要賁楷書清逸可愛

按六研齋筆記徐幼文楷筆秀整端慎不爲沓拖自恣其草書雄緊跌宕出入旭素無不淋漓快健

危素

按宋學士集危素字大樸臨川人至元中爲翰林學士承旨洪武二年授侍講學士知制誥博學善文辭尤精於書得片紙隻字者寶視以爲榮

按書學傳授康里子山在南臺時臨川危素太樸饒介介之得其傳授而太樸以教宋璉仲珩杜環叔循詹希元孟舉介之以授宋克仲溫

按書史會要素善楷書有釋智永虞永興典則

危獻

按名山藏危獻字朝獻素之弟官衛府紀善亦善行楷

宋璉

按名山藏宋璉次子璉字仲珩除中書舍人精篆隸眞草書嘗見梁草堂法師墓篆及吳天璽中皇象書三段石刻觀之至忘寢食遂悟筆法小篆之工爲國朝第一璉每見佳處便曰寫老夫名足可傳世矣按遜志齋集近代能草書者吳興趙公子昂公所敬者爲鮮于公伯幾稍後得名者爲康里公子山繼三公而作者金華宋仲珩草書如天驕行中原一日千

里超澗渡險不動氣力雖若不可蹤跡而馳驟必合程矩直可凌跨鮮于康里使趙公見之必有起予之歎

按浦江人物補遺高皇謂小宋字畫迥媚如美女簪花

按書史會要宋璉大小二篆純熟姿媚行書亦有氣韻

按列朝詩集小傳仲珩書法方希直稱爲威鳳翬霄祥雲捧日評者謂太史公之文舍人之書皆本朝第一

按懷麓堂集仲珩草書出入變化不主故常又非株守一格者此眞翰墨之雄也

按分省人物考璉書法端勁溫厚秀拔雄逸規矩二王出入旭素

按六研齋筆記仲珩筆法沈頓雄快兼篆籀急就之能不獨步驟旭素也

宋懌

按遜志齋集宋懌仲珩之子奉母居蜀思紹父學蜀王至國聞而閱之時賜粟帛賜其家撫勞教育者甚至繇是得專於學其書亦工

杜環

按宋學士集杜環字叔循其先廬陵人侍父一元游宦江東遂家金陵好學工書爲晉王府錄事

按藝苑卮言國初環被薦太祖善其書入侍春坊仕終太常丞

按分省人物考杜環書法端妍至於行草亦各臻妙詹希元

按書學傳授詹希元後更名希原字孟舉新安人號逸菴丙寅訥叟幼從父官勝國至洪武初爲鑄印副使後官中書舍人

按吾學編詹希原善大書兼歐虞顏柳凡宮殿城門坊扁皆希原書

按月山叢譚詹孟舉嘗作太學集賢門字畫遒勁第用趙太祖見而怒曰安得梗吾賢路遂創其趨

按水東日記詹孟舉篆書用筆絕類秦不華王貞婦碑

按詹氏小辨希原署書於端重嚴整中寓蒼勁雅秀之趣是爲難能耳若小字則稍熟媚

宋克

按高啓南宮生傳宋克字仲溫吳人博涉書傳少任俠久之稍厭事閭門寡將迎素工草隸遍鍾王思求者衆遂自闕希家南宮里故自號南宮生

按抱翁家藏集宋克書出魏晉深得鍾王之法故筆精墨妙而風度翩翩可愛或者反以纖巧病之可謂知書者乎

按丹青志克書學急就章得古人之妙

宋廣

按名山藏宋廣字昌裔仕沔陽同知善草書

按東里續集昌裔擅行草體兼晉唐筆勢翩翩而論辰州後乃大有造詣

按書史會要廣草書宗張旭懷素章草入神按寓意編廣與宋克宋璉俱以善書擅名人稱三宋然評者謂廣書較之二宋不逮以其筆之聯續不斷非古法也

陳璧

按華亭縣志陳璧字文東

唐氏小辨云號谷陽生

以文學知名

尤善篆隸真草流暢快捷富於繩墨洪武閒以秀才

任解州判官調湖廣

按書史會要璧與三宋齊名用筆俱從懷素自敘帖

中流出

按松江府志朱克游松江陳文東嘗從授筆法吳僧

善啓謂宋筆正鋒陳多偏鋒以是不足云

按懷麓堂集文東國初名筆松人宗之

按四友齋叢說陳谷陽正書酷似歐陽率更行草漸

逼大令篆書亦入格

揭樞

按書學傳授揭樞字平仲豐城人至正初揭文安公

以楷法得名傳其子沆其孫樞樞在洪武中仕爲中

書舍人與仲珩叔循聲名埒云

按書史會要樞正書得其家傳

張辰

按吳中人物志張辰字翰宸嘉定人博學工古文尤

知名於書洪武初聘署儒學訓導

按儼山集國朝書家如宋仲溫陳文東張翰宸三人

難爲伯仲其意外之意非常人可及

朱芾

按書史會要朱芾字孟辯華亭人工詞章翰墨之學

真草篆隸清潤遒勁風度不凡

按大雅集朱芾善篆以所書瘞之細林山中題曰篆

冢

桂慎

按潛溪集春秋本末序云正書入梓者中書舍人朱

孟辯朱璫桂慎鑄印局副使詹希元云

胡廷鉉

按寧波府志胡廷鉉奉化匯溪人字公惠少學歐陽

詢書法洪武初召至京師上命詹孟舉廷鉉各寫十

文一本以進上覽之廷鉉書法過孟舉遂令書皇陵

碑道勁可嘉授中書舍人

汪廣洋

按吾學編汪廣洋字朝宗高郵人善篆隸大書尤工

歌詩少從余闕學游太平上渡江召入見與語大悅

留幕下洪武三年封忠勤伯四年爲右丞相

吳雲

按列卿紀吳雲字友雲宜興人仕元爲翰林待制洪

武元年徐達北定元都以禮敦遣赴京除弘文館校

書郎五年拜刑部尚書弘治中諡忠節

按書史會要吳雲書師虞永興

趙好德

按列卿紀趙好德字秉彝汝陽人幼警敏有經濟志

刻苦力學能文章善大書渡江見太祖以儒士命同

知陝州事累官吏部尚書

鄭沂

按列卿紀鄭沂字仲與浦江人宋義門之裔洪武時

名義門子弟選擇備用又徵大姓賢能者授以重任

除禮部尚書

按書史會要沂善篆隸

朱同

按列卿紀朱同休寧人洪武中舉明經授徽州府教

授擢吏部員外郎試禮部侍郎

按詹氏小辨同入侍懿文太子太子愛其書殊親重

焉

詹儼

按詹氏小辨詹儼字以寬休寧人洪武初官翰林學

士以善書名與朱大同旗鼓足相當而韻稍不逮

邵誼

按萬姓統譜邵誼字思宜休寧人洪武初以文學舉

授本縣訓導調黟縣善篆隸詹希原朱同咸推重其

字學

按詹氏小辨思宜分書學受禪碑亦雅勁

程曰可

按詹氏小辨程曰可休寧人與朱同同時楷書結體

纖長而筆雅秀腕力在陳文東上

陳遠

按寧波府志陳遠字中復一字中孚從中書左丞韓

伯高受易工書法有晉人風度太祖時爲文淵閣待

詔

陳孟頤

按名山藏陳孟頤中復子善書

熊鼎

按潛溪集熊鼎字伯穎臨川人太祖親征豫章徵授

中書考功博士後爲岐寧衛經歷

按名山藏太祖命博士熊鼎編類古人行事可鑒戒

俞貞木

按吳中往哲像贊俞貞木初名楨字有立吳縣人受易於未嘉陳麟旁讀他經史爲古文辭元季杜門隱居洪武初以薦起知韶之樂昌

按書史會要貞木善小楷長於用筆短於結構

陶宗儀

按滄螺集陶宗儀字九成黃巖人少舉進士一不中即棄去務古學無所不窺尤刻志字學工舅氏趙集賢雍篆筆洪武辛亥詔取天下士癸丑命守令舉人才又以病免由避兵家淞城之北泗水之南閉門著書有書史會要九卷

俞和

按杭州府志俞和字子中杭人號紫芝冲澹安恬隱居不仕能詩喜書翰早年得見趙文敏運筆之法臨晉唐諸帖甚夥行草逼真文敏好事者得其書每用趙款識倉卒莫能辨

按書學傳授俞和以書鳴洪武初後進猶及見之

錢達

按吳中人物志錢達字伯行父良佑以家學有書名達嘗爲江湘行省管勾架閣歷淮南行省員外郎國初遷赴京師同太常議禮禮成發鳳陽居住尋歸復以事遣詣京卒

按書史會要錢達才氣飄逸真草篆隸不失規矩

胡翰

按金華先民傳胡翰字仲申金華人太祖召見除衢州府教授洪武乙酉纂修元史書成賜白金文綺辭歸卜居長山之陽學者稱曰長山先生

按弇州續藁王世貞國朝名賢遺墨有胡翰書

王康

按括蒼志王康字希陽麗水人洪武初薦入翰林修史書成授太子說書累官至陝西左布政字宗韓擇木兼精篆隸

葉見泰

按公輔集葉見泰字夷仲臨海人讀古今兵法悉知用兵之道天兵取台州衣褐衣造軍門署部從事授高唐判官終刑部主事

張宣

按列朝詩集小傳張宣字藻仲江陰人少負才名洪武初以考禮被徵尋入史局與修元史擢翰林院編修

張憲

按名山藏張憲字思廉山陰人學詩於楊維禎最爲所許負才不羈嘗走京師恣言天下事衆駭其狂與高啓楊基諸人游書畫益工

焦伯誠

按松江府志焦伯誠華亭人潔身修行教授於鄉通五經尤長於書

顧祿

按華亭縣志顧祿字謹中華亭人能詩善書行楷學蘇文忠公而尤工於分隸洪武中爲太常典簿按列朝詩集小傳顧祿嘗過鄱陽湖賦詩太祖聞之命盡進其所作故其集名經進嗜酒善書高士敏贈詩有兩京書博士一代酒神仙之語

孔彥緒

按書史會要孔彥緒襲封衍聖公精篆書筆力豪壯入於能品顧謹中爲賦詩云魯國名公篆法奇懸針倒薤總相宜其譽在當時如此

秦約

按南畿志秦約字文仲崇明人博通諸經尤邃於詩洪武間以文學薦擢禮部侍郎

按詹氏小辨秦約善書

按名蹟錄花雨軒記洪武四年秦約書

王行

按開國臣傳王行字止仲號半軒更號楮園吳縣人洪武初郡庠延爲經師

袁華

按續吳先賢贊袁華字子英少好讀書尤工爲詩顧瑛家多名畫法書日與共閱洪武初辟郡文學按名蹟錄張公墓志銘洪武六年袁華撰并書

邵亭貞

按松江府志邵亭貞字復儒華亭人博通經史贈於文詞工真草篆隸書洪武初爲府學訓導

朱應辰

按開國臣傳朱應辰字文奎與楊維禎游洪武初辟郡掌教爲文繁而不猥詩工長句篆籀法古嘗命書符印

烏斯道

按寧波府志烏斯道字繼善慈谿人文尚體要尤長

於詩兼精書法小楷行草各臻其妙國初薦為江西永新令

陶琛

按長洲縣志陶琛字彥珩有文學洪武初以薦為儒學官志尚高潔工古篆書多得諸法

陶繼

按長洲縣志陶繼字伯承琛子枝江知縣亦有能書名

曾鼎

按東里集曾鼎字元友更字有實泰和人有孝行人稱曰曾孝子元末為濂溪書院學正洪武三年以明經舉引疾辭博學強記工詩擅八分書範金為小印章渾然古意

詹俊

按東里集詹俊字用章姑孰人洪武四年被徵授磁州同知陞汝寧通判善吟咏尤喜作大書

吳履

按宋學士集吳履字德基蘭溪人俊邁有奇材通諸史願學司馬遷班固最好書尤工行草得之者藏奔為榮國初為南康丞

馬治

按荆溪外紀馬治字孝常宜興人為詩文典雅冲澹善真行書元末與周砥避亂隱居西澗洪武初由茂才舉授內丘知縣遷建昌府同知
按詹氏小辨洪武而下至永樂多法詹朱馬治小字獨法唐晉豈其人亦邁時者耶

張簡

按玉山草堂雅集張簡字仲簡姑蘇人讀書知古今寄跡老子法隱居鴻山作詩淡雅有陶韋風翰墨無俗氣而暗合書法

按續吳先賢讚張仲簡書法婉媚

劉末之

按東里集劉末之字仲修清江人詩文清麗古雅為當時所重工書法篆楷行草皆有師承家富於貲賒貸施數郡仲修獨泊然布素日靜處一室以書籍翰墨自娛

袁養福

按列朝詩集小傳袁養福字能伯吳郡人國初為福建憲史有書名精於書法

按匏翁家藏集養福所書郭有道碑文端勁清峭深得歐陽率更筆意以其字畫之妙如此宜有書名於時然吳人固不知有袁養福也

張員

按紹興府志張員字壹民一字天民左目無瞳子自稱左瞽善草書洪武初辟為開化教諭

盧熊

按明外史本傳盧熊字公武其先武寧人後徙崑山貫經史工文章尤精篆籀元季為吳縣學教諭洪武初以故官赴京授工部照磨尋以善書擢中書舍人遷兗州知州
按水東日記盧熊為兗州知州既視篆具奏印文充字誤類衮上不怡幾被禍後卒坐累

盧熙

按崑山人物傳盧熙字公暨熊弟博學好古善楷法

洪武初以薦授睢州同知

盧充穎

按蘇州府志盧熙子充穎字次農文學得於家傳而制行尤高以能書薦留諸司

周砥

按書史會要周砥字履道姑蘇人性字間靜學藝淹博行草書運筆分行勻穩

按姑蘇志周砥效東坡書甚工

按書述詹解鳴於朝盧周著於野朝者乃當讓野

王時

按崑山縣志王時字景南博學好古精於篆隸章草用意深密凡六書源委靡不擇究深為盧熊之所稱美

唐肅

按蘇平仲集唐肅字處敬自號丹崖居士山陰人為文簡潔而雅興詩步驟盛唐尤工篆楷深得筆意洪武三年召修禮樂書擢應奉翰林文字承事郎同知制誥兼國史院編修官

謝肅

按紹興府志謝肅字元功上虞人學問該博洪武中舉明經授福建按察司僉事與唐肅齊名時號會稽二肅

按書史會要謝肅正草皆宗晉

趙揭謙

按明外史本傳趙揭謙名古則更名謙餘姚人博究六經百氏之學尤精六書作六書本義復作聲音文字通時目為考古先生洪武十二年命修正韻應聘

入京師授國子監典簿久之以薦召爲瓊山縣學教諭

按書史會要謙嘗言讀書必貴識字故曰六書明則六經如指諸掌乃著六書本義十二卷

林鴻

按名山藏林鴻字子羽閩人洪武初以人才薦授將樂訓導七年拜繕部員外郎

按詩談鴻詩法盛唐書臨晉帖殆逼真矣惜惟得其貌耳

鄭定

按名山藏鄭定字孟宣閩人善擊劍工古篆隸書洪武中舉明經爲延平府訓導永樂中遷國子助教

按書史會要以草書名天下甚爲解學士所推許

李汶

按太平府志李汶字宗茂博學多才善漢隸國初召爲史館編修與修元史授巴東南和令晚年歸隱鄉里扁其所居曰兼山艮所號石泉翁嘗集蔡邕書成四言古詩以訓其子寧門人張中謂其結體遒勁筆勢飛動若長鎗大劍交馳其壯且武也若商彝周鼎之銘其文甚古也

林弼

按閩書林弼字元凱龍溪人故名唐臣登至正進士授郡幕官洪武二年郡以名儒聞於朝太祖遣使三徵之更名弼授吏部考功主事轉郎中出知登州雅精臨池嘗與王太史禕談書法用筆須偏正兼備乃臻妙境近世趙孟頫側鋒太多不能逃筆牀月旦

胡泰

按萬載縣志胡泰字志同號雲松巢洪之南昌人善真草書能文洪武初寓居萬載縣之涂泉

黃瑛

按江寧府志黃瑛字良潤一字玉田句容人洪武初由明經及字學授應天府學教授益苦於學書法造詣精妙

黃銓

按江寧府志黃瑛子銓字衡可洪武間亦以字學選入翰林

袁復

按寶應志略袁復字仲仁博學工文尤善晉人書法國初爲大理少卿

陳昇

按寶應志略陳昇國初以能書舉爲吏部主事

解泰

按解學士集解泰字季通一字成我吉水人絕意進取究竟六籍旁搜百家尤善楷書不效妍媚方整嚴重類其爲人洪武初累辟不起

金鉉

按東里續集金鉉字文鼎別字尚素華亭人自幼嗜學致孝其母洪武中徵至京師有欲薦其才者懇以母老辭爲人蕭灑絕俗喜吟咏有古詩人風作書畫皆極造詣

按書史會要鉉工章草

金鈍

按書史會要金鈍字汝礪鉉子官至中書舍人精楷書章草

陸闡

按東里集陸闡字伯陽興化人洪武中仕爲楚府伴讀長於詩兼工書法極力鍾元常王逸少父子曰去此非第一義

陸顥

按興化府志陸顥字伯瞻闡之弟洪武中由明經辟舉任禮部主事未樂中奉敕建湘獻王碑屢獻詩文字畫太宗以三絕稱之

沈元素

按古田縣志沈元素古田人元時赴都寫金字經授福州教授後謝歸洪武初舉授古田學訓書篆畫皆工後擢憲憲

劉概

按吉水縣志劉概字子川吉水人善楷書有才名洪武三年以明經徵授兵部主事遷工部主事

張宗華

按沙縣志張宗華字穎之沙縣人清介絕俗博學善文詞尤工書法爲時所重評其書者謂如秋雲捲雨蒼石纏藤洪武中以懷才抱德舉詔再徵以老辭

鄭煜

按閩書鄭煜字宗晦鄭杓子洪武中辟興化縣訓導天才逸出長八分書

羅性

按開國臣傳羅性字子理以字行江西泰和人洪武初詔郡縣立學聘爲學師四年中鄉試授德安同知書法鍾元常

楊引

按開國臣傳楊引字嗣慶吉安人學有根柢行端謹妙於詩文洪武中以孝廉文學善楷書舉皆不赴以纂修起亦不就取足壘畝襟抱灑然卓然陶潛徐穉之風

吳宏

按開國臣傳吳宏饒州餘干人仕陳友諒為行省參政上取江州遂全城來降以功拜中書左丞後遷親軍指揮涉獵經史能詩工書奉母至孝見重於士大夫

吳懋

按湖廣總志吳懋西安人洪武初以蘇州知府左遷大冶知縣工楷書

俞友仁

按湖廣總志俞友仁錢塘人洪武辛亥進士為襄陽縣學教諭博通經史善草隸書尤工於楷

吳存

按湖廣總志吳存南昌人洪武初領鄉薦授刑部主事歷湖廣參政有才名善吟咏長於草書

張矩

按書史會要張矩字孟方其先廣陵人徙家崇安得屏山先生遺書讀之遂通五經所書諸體皆精絕國初薦為訓導

馬兼善

按書史會要馬兼善會稽人元季寓居華亭洪武初由明經任松江訓導工行草

張翼

按開國臣傳張翼字飛卿作行草書鳳舞鸞翔人以

為不可及

鍾弼

按書史會要鍾弼善隸書洪武初為會稽主簿

葉昭

按江西通志葉昭字子宣星子人通經術能詩文善隸古洪武初為南康府訓導

章復

按廣西通志章復江西鄱陽人有學行能文章尤工書翰洪武初為全州知府

林奧

按閩書林奧字元美懷安人閉門讀書書法適美國初被薦於有司以贖耗辭

蕭質

按春草齋集蕭質字謙用洪武八年為末新學正詩有唐人風致又喜作草書變化遒勁能步武義獻

孔訥

按頤菴文選孔訥字言伯宣聖五十七世孫襲封衍聖公能詩工篆法人得之者皆傳誦誇美相貴重

朱李子

按漢隸字源序朱李子以字行家於臨川為詩文有法且留意於隸古之書所獲漢魏諸碑刻必夙夜潛玩三走鄱陽見伯誠先生歐君復以作隸之法授焉復從龍虎山中質諸方壺翁從義翁於是學大進遂以善隸書知名

按金谿人物志李子善草隸洪武中為周府奉祠

桂衡

按水東日記桂衡字孟平睦人洪武中為錢塘儒學

修業齋訓導遷山東轉谷府奉祠詩文字畫皆有可觀

陸行直

按書史會要陸行直字季衡吳江人洪武中以人才授翰林典籍

按詹氏小辨行直善書

楊曜宗

按清源文獻楊曜宗晉江人洪武中以明經薦授晉江訓導累遷韓府長史善古文書法

徐定

按東里續集徐定字弘道永嘉人工隸楷洪武庚午中應天鄉試擢親王府紀善改監察御史

秦震

按濟南府志秦震臨邑人性聰慧不待學而能書嘗入水得古碑以手摩之出而書錄不遺一字洪武庚午舉於鄉

粘鵬

按武邑縣志粘鵬字時舉武邑人工於詩辭尤善草書篆洪武庚午舉人除四川閬中教諭取入翰林未及赴京

朱吉

按崑山人物傳朱吉字季寧崑山人洪武中被薦授戶科給事中以其善書改中書舍人遷翰林侍書出為湖廣按察僉事

朱定安

按崑山縣志朱定安字士隆吉長子精楷書九工古篆得周伯琦筆法嘗積其書草座之名篆家

朱未安

按崑山縣志朱未安字常定安弟博學工詩文又善真草書得晉人筆法嗜古書購蓄甚富

鄭濟

按賢達傳鄭濟字仲辨浦江人受學宋太史爲詩文書法得晉唐諸體洪武癸酉召授左春坊左庶子

鄭燧

按賢達傳鄭燧字允資濟從姪歌詩俊逸尤工楷書

劉敏

按蘇州府志劉敏字孟功長洲人洪武中薦授德清知縣後以善書徵入翰林拜中書舍人

劉朴

按解學士集劉朴字子素吉水瀘江人少有志節耿介絕俗其書清勁灑落爲文章詩歌古雅典則洪武二十年試翰林得官客死京師

陸宗善

按華亭縣志陸宗善字尚訥華亭人洪武中以碩學高行舉於鄉再令劇邑爲詩流麗雄偉字畫亦清勁

楊燿

按括蒼志楊燿字尹昭縉雲人洪武戊辰進士除刑部主事轉御史以清直著名工詩文及晉書法學者宗之

任勉之

按松江府志任勉之字近思華亭人登洪武甲戌進士官至睢州知州文學楊崖書學米南宮而不以自名

俞仲幾

按松江府志俞仲幾其先河南人居上海竹園西工書與宋克相友善

章炳如

按松江府志章炳如能詩善楷書仕至中書舍人

楊彝

按貴州通志楊彝餘姚人文章書畫無不精妙尤長於詩洪武間爲長泰主簿長子志編戊普安彝乞就養居東屯四面多松軒曰萬松自號萬松老人

徐濟

按邵武府志徐濟蘇州人洪武中知邵武府工楷書

劉理

按存徵績集劉理字彥銘先世從開封徙金陵洪武中以善篆書爲中書舍人

胡時

按汀州府志胡時字子俊上杭人以明經教授于鄉善詩工楷書洪武間薦授本學訓導

林觀

按閩書林觀字用賓閩人洪武中隱居不仕善隸書

屠任

按紹興府志屠任嵊人家貧力學善詩文兼精篆隸洪武間任蕭縣訓導遷河南武陵知縣

嶽彥高

按嘉善縣志嶽彥高號雪樵蒙古色目人太祖時爲雲陽令免官流落江湖因家武塘精懷素草書

顧孝淵

按嘉善縣志顧孝淵以孝友稱善草書宗雪樵後從事藩府以註誤遷文安

胡璉

按鳳陽縣志胡璉洪武中以楷書任工部主事

鑑恕

按列朝詩集小傳鑑恕字如心洪武間爲福建某驛丞歸隱越山之西喜爲古文及篆隸章草

黃采

按詹氏小辨黃采字宗素號一齋嘉定人洪武中貢之國學授御史陞兗州知府書法趙承旨

黃壽

按書史會要黃壽字永齡采子亦能書

王洪

按詹氏小辨洪武中有撫州王洪者作小字勻淨成家

謝林

按毘陵志謝林字瓊樹好學工文詞尤精真行篆隸書著字學源委五卷以正近代六書之謬洪武中用薦爲新鄭教諭

張紳

按書史會要張紳字士行山東人負才略談辨縱橫能作篆書

按靜志居詩話張紳工大小篆精於賞鑑法書名畫多所品題撰法書通釋一卷自稱雲門山樵亦稱雲門遺老

鄭金

按常熟縣志鄭金字公濟常熟人洪武二十四年由明經授大理評事進監察御史陞廣東按察使改福建左遷濟南知府能詩善書翰

薛穆

按書史會要薛穆字公遠號澹園洪武中爲柳州通判能詩文善楷書

吳原頤

按分省人物考吳原頤宣城人博學明經善詩文隸書洪武間爲寧國府訓導歷國子博士致仕後應召修書成乞歸

芮麟

按分省人物考芮麟字志文宣城人洪武間知台州府謫戍邊後以薦知建寧府爲政有古循吏風且好學不倦尤善楷書

林瑜

按書史會要林瑜字子潤號後山漳之龍巖人洪武中以太學生擢五軍斷事終浙江參政能詩文善書法

龔炯

按八閩通志龔炯字延璋晉江人刻志爲學詩文爲當時所稱書翰遒勁端嚴得歐陽率更筆意洪武中應薦以親老乞歸

董紀

按書史會要董紀字良史號一槎上海人洪武中任江西按察僉事善草書

周淵

按書史會要周淵壽昌人洪武中爲中書舍人累官四川參議善書翰

王佐

按開國臣傳王佐定遠人篤學好古凡法帖名畫多

能鑒定善虞世南書洪武時以才爲鎮撫

薛績

按書史會要薛績字汝嘉號古巖吳江人善書

范禮

按書史會要范禮字宗嗣常熟人真草篆隸俱能

馬孜

按吳中人物志馬孜字彥強吳江人善書洪武中嘗受薦不仕

按書史會要彥強從詹孟舉游名山觀前人碑石議論筆法小楷歸宗晉唐後自列門閥精絕可愛

吳均

按書史會要吳均字平仲善書法

顏慤

按書史會要顏慤字存誠慈谿人官司經局正字真草篆隸俱工

黃昶

按聖眉公集黃昶字叔暘義烏人以明經舉于鄉宋濂纂修實錄以工書服勞史館事竣受命伴讀齊府

劉爆

按篆韻集鈔序劉爆字彥正鄱陽人嘗爲嚴之建德令留意篆學歷年之久靡不貫通

吳植

按列朝詩集小傳吳植字子立嚴州人以處士徵授藤州知州別自號白玉壺善草書

張暹

按書史會要張暹字翔南其先睦人徙居櫛李博學強記屬文敏捷好爲奇澀語而切於理正書宗晉

按吳中人物志翹書大字如斗終日揮灑不倦蓋其所長也

沈宗學

按吳縣志沈宗學字起宗隱於煉墨自號墨翁博學善書能作徑尺大字詹孟舉評其書兼歐虞顏柳有冠裳佩玉氣象

沈貴成

按吳縣志沈貴成字志道宗學子亦博學能書

都嗣成

按吳縣志都嗣成字文信善書有晉人筆意號省菴

徐彥裕

按松江府志徐彥裕華亭人工草書善騎射

楊仁壽

按松江府志楊仁壽號漁隱天台人元季亂挾演易術來居於松之陶溪能詩文精草書得鮮于樞家法以子爲東昌守酒得罪死坐戍遼陽卒以書法動主帥得歸更號生還叟年八十餘卒

周昉

按杭州府志周昉字元亮號草庭讀書樂道以古人自期詩文典雅作小楷得晉人筆意

金穎伯

按秀水縣志金穎伯從武林俞紫芝游遂於經學工書爲人清介雅飭

李善

按慶遠府志李善字性初宜山人結茅隱居精楷書逼真晉人

祝里

按龍游縣志祝望字公望龍游人絕意仕進結廬石處山隱焉工於琴詩尤善臨池技

許鳴鶴

按書史會要許鳴鶴字暨廣廬陵人官中書舍人受業詹孟舉之門行草沈著可愛

程輅

按新城縣志程輅字伯衡江西新城人精於書札尤長篆隸亦號東臯處士

陸仁

按太倉州志陸仁字良貴太倉人明經好古以詩名於時復工字學楷書草書皆矜貴

沈世遠 何琮

按詹氏小辨沈世遠何琮皆不知爵里大抵洪武初人多法趙

謝章

按天衢舒嘯集謝章隸書歌云君不見天雨粟泣魍魅蒼頡制字洩天祕蝌蚪之文久茫然史籀秦斯兩相繼大小二篆生八分此後六書從簡易邕邈隸字近古淳義旭行草紛如雲謝章讀書隸更好使我見之過所聞不求妍巧自奇拙禹鼎周彝文斷缺連昌宮中墜并釵赤壁江底沈沙鐵魚魚雅雅雅畫深一字豈但值百金冠冕佩玉古君子天生古貌多古心春蚓秋蛇世交錯嗟我豪端久荒落墨池風暖白日長正欲相從謝章學

胡朝翰

按遜志齋集默山精舍記云余年十七八侍先君守濟寧壽昌胡君朝翰自太學來分教魯諸生能為詩

執筆作行草書蜿蜒滿紙余私敬愛之

芮善

按武進縣志芮善字存性明易春秋善鍾王書法性淳厚端方洪武丁丑進士歷官中書舍人以司經洗馬侍裏王講讀王出封領右長史王雅重其為人號曰坦然先生而不名

張璧

按松江府志張璧字景辰舉洪武三年鄉試好題詠仕蜀府典寶

施惟中

按烏程縣志施惟中祐村人本名庸以字行洪武中以楷書授河南右布政使

欽定古今圖書集成理學彙編字學典

第一百十八卷目錄

書家部法書名家列傳二十四

明二

方孝孺

陳性善

王艮

董倫

姚廣孝

解縉

金幼孜

楊士奇

楊溥

蹇義

胡儼

趙毅

鄒緝

許廓

朱勇

凌信

高廷禮

王尹實

劉素

沈度

沈藻

滕用亨

王璉

徐輝祖

鄭恕

龍鐔

唐之淳

姚繼

解禎期

胡廣

楊榮

馮郁

夏原吉

王景

王達

陳洽

梁潛

蘇伯厚

黃勉

王紱

王偁

宣嗣宗

沈榮

沈潮

王璉

梁時

楊文選

夏昂

朱銓

陳登

吳勤

端木智

柯暹

陳輝

李正

王恭

張誠

季德基

周冕

沈洪

潘吉

陸伯倫

張黼

夏衡

周賢

趙楷

沈潤

方正

葉藻

唐文楷

李勝

王賓

蔣暉

夏昶

朱孔易

朱奎

陳景隆

夏宗文

陳宗淵

倪維哲

王公亮

黃卓

熊槃

虞原璩

臧性

梁礪

彭戢

張緒

張黻

陳琮

范鼎

丘宗

柴仲

趙友同

陳鐸

茹洪

胡宗敬

江得

許性

范暹

張頤

范能

黃蒙

黃約仲

張璟

周昉

趙遠

吳餘慶

楊尹銘

張順

字學典第一百十八卷

書家部法書名家列傳二十四

明二

方孝孺

按吾學編方孝孺字希直一字希古寧海人洪武二十五年擢漢中教授蜀獻王聘爲世子師爲名其讀書之廬曰正學皇太孫即位召爲翰林博士進侍講尋陞侍講學士靖難時以死殉

按弁州山人稿希直不以書名而剛方不折之氣流溢筆墨間

徐輝祖

按吾學編徐輝祖中山王長子初名允恭太祖賜名輝祖嗣魏國公嘗侍懿文太子學通經書大義從詹希元學書善書大字建文君特見信任文皇即位勒罷幽繫卒

陳性善

按名山藏陳性善字復初以字行山陰人洪武十八年進士授行人司副改翰林檢討善楷書召書御前

他中書見上威嚴頗不能筆獨性善動止端詳稱上意賜酒留禁中竟日遷禮部侍郎靖難兵起以副都御史監軍靈壁與彭與明等皆見執朝衣而沈河

鄭恕

按吾學編鄭恕字本忠仙居人能賦詩善書畫好古博雅家甚貧一介不妄取日與生徒講論經理高風勁節一時敬嚮寧波知府禮聘爲昌國訓導未幾知蕭縣靖難師破蕭恕死之

王良

按名山藏王良字欽止吉水人建文時進士官翰林修撰爲人正身飭色不可玩狎詩詞警永字畫精妙爲文雄偉光彩燕兵渡淮服腦子卒

龍鐔

按萬載縣志龍鐔字德剛萬載人問學該博長詩文善草隸洪武中爲浙江按察使謫知長洲縣尋陞晉府長史靖難師起不屈死

董倫

按續藏書董倫字安常恩縣人僑居宛平質直有文學從游者稱爲貝川先生洪武十五年徵爲右贊善建文卽位拜禮部侍郎兼翰林學士按書史會要董倫篆宗周左丞

唐之淳

按遜志齋集唐之淳字愚士以字行博聞多識爲文蔚瞻有俊氣長於詩而善筆札洪武中屢欲有薦之者謝不就建文卽位召拜侍讀預修書事

姚廣孝

按吾學編姚廣孝長洲人幼名天禧至正間爲僧名

衍字志道好讀兵書尚謀略兼爲詩學書靖難後爲太子少師贈榮國公諡恭靖

按書史會要廣孝書法古雅全以筋勝

姚繼

按懷麓堂集少師一帖小楷書稱姪繼代書少師賑濟還吳見酒帘字問知一少年書呼而見之養以爲子太宗官之至太常少卿是代書此跋者也

解縉

按列卿紀解縉字大紳吉水人自幼穎悟絕人洪武二十一年進士授中書庶吉士文皇雅聞縉名召置左右進侍讀學士其文雅勁奇古逼司馬子長韓退之詩豪石豐瞻似李杜書小楷精絕行草皆佳按解學士文集序天子愛惜其楷書親爲之持研

按名山藏縉學書得法於危素周伯琦其書傲讓相綴神氣自倍有農家陸穎者善縛筆縉欲作佳書必得穎筆

按匏翁家藏集永樂時人多能書當以學士解公爲首

解禎期

按名山藏解禎期縉之從子也以善書選天下第一仁宗召爲中書舍人

按續名賢遺墨跋禎期書疎倚自喜不失春雨門風

金幼孜

按東里集金幼孜以字行中進士乙科授戶科給事中太宗初臨御改翰林檢討累官禮部尚書武英殿大學士諡文靖其學該博文章和平寬厚類其德性書兼工眞行

胡廣

按列卿紀胡廣字光大吉水人建文初以進士廷試稱旨擢第一易其名曰靖授翰林修撰文皇履極遂進侍講仍復舊名累官文淵閣大學士諡文穆爲文援筆立就修高皇帝實錄五經四書性理大全九工書法行草之妙獨步一時

按扈從北征錄上次元石坡登頂製銘刻石命光大書并大書元石坡立馬峯六字書無巨筆鈎以小羊豪次捷勝岡上令光大書捷勝岡於石上多雲母石并書刻曰雲母山

按藝苑卮言胡文穆善眞行草名不及解大紳而遇過之北征諸鎮皆其勒石

楊士奇

按吾學編楊士奇初名寓以字行泰和入建文初以名儒薦徵授教職太宗靖難後改編修入直文淵閣累官少師華蓋殿大學士贈太師諡文貞

按書史會要士奇善行草筆法古雅而少風韻

楊榮

按列卿紀楊榮字勉仁建安人初名子榮建文二年進士授編修文皇履極更其名榮簡入內閣累官工部尚書謹身殿大學士加少師諡文敏

按書史會要榮楷書姿媚動人

楊溥

按列卿紀楊溥字宏濟石首人中庚辰進士授編修永樂二年轉司經局洗馬歷官至少保武英殿大學士諡文定按書史會要溥行楷俱法趙文敏公

馮郁

按歸安縣志馮郁字訥庵歸安人永樂初以楷書應召官至雲南參政贈嘉議大夫

蹇義

按列卿紀蹇義字宜之四川巴縣人洪武乙丑進士授中書舍人永樂二年命兼詹事累官吏部尚書諡忠文

按畜德錄義善書成祖手授金龍文箋命書外國詔偶落一字奏曰臣敬畏之深輒復有此上曰朕亦有之此紙艱得姑註之耳對曰不信遠人豈以是惜上深然之復授以箋更書之

夏原吉

按懷麓堂集夏原吉字維喆湘陰人領鄉薦升國子生例入禁廡書誥敕太祖見其字格方正賜緋衣一襲復遣人察諸生所為獨原吉端坐正書竟日不色情上心念之書滿授戶部主事擢侍郎太宗入定大統進尚書贈太師諡忠靖

按書史會要原吉善楷書雖神骨少合晉度筆勢迥媚亦有可觀

胡儼

按列卿紀胡儼字若思南昌人幼好學書琴詩文皆有傳授洪武丁卯舉於鄉授華亭教諭文皇聞儼名召試之未樂二年拜祭酒

按書史會要儼文辭妍贍精於草書

按詹氏小辨儼行書矯健而蒼楷書精熟而整

王景

按續藏書王景字景彰松陽人洪武初起家懷遠教諭建文召修高廟實錄為翰林侍講靖難後進學士博學能文章善書

趙毅

按列卿紀趙毅字致遠汝陽人洪武末年以儒士薦授工科都給事善屬文工草書永樂中為工部左侍郎

王達

按列卿紀王達字達善無錫人初以明經授訓導入補國子助教成祖登極與修洪武實錄擢編修進侍讀學士

按弁州續稿王世貞國朝名賢遺墨有王達書

鄒緝

按列朝詩集小傳鄒緝字仲熙吉水人洪武庚辰進士除星子縣訓導永樂初入為翰林檢討歷官左春坊左庶子

按書史會要鄒緝自號素菴精楷書

陳洽

按吾學編陳洽武進人淹貫經史謹敏有才識洪武中薦布衣善書授兵科給事中靖難後累官兵部尚書鎮交趾贈少保諡節愍

許廓

按列卿紀許廓字文起襄城人建文乙卯領鄉薦永樂中為工部侍郎隨成祖北征進行在兵部尚書按書史會要廓善書翰

梁潛

按吾學編梁潛泰和人洪武二十九年鄉舉歷訓導知縣靖難後召修實錄成陞修撰尋兼贊善

按弁州續稿王世貞國朝名賢遺墨有梁潛書

朱勇

按書史會要朱勇字惟貞鳳陽人永樂時襲封成國公贈陰平王諡武愍善大字

蘇伯厚

按福建通志蘇伯厚名坤以字行建安人洪武乙丑以明經薦授建寧訓導成祖即位與修高廟實錄擢翰林侍書遷檢討博通書史精書法

凌信

按書史會要凌信字尚素吳江人以楷書授中書舍人

黃勉

按浮梁縣志黃勉字宗勉浮梁人工書翰長於律詩洪武中應善書詔擢兵科給事中坐事免永樂初起為都事進文選郎終浙江左參政

高廷禮

按名山藏高廷禮初名棟字彥恢自號漫士永樂初自布衣召授翰林待詔遷為典籍博學能文工書畫所選唐詩品彙唐詩正聲行於世

按列朝詩集小傳廷禮書得漢隸法

王紱

按列朝詩集小傳王紱字孟端無錫人少為弟子員永樂初以善書薦供事文淵閣拜中書舍人

王尹實

按書史會要王尹實四明人永樂時以篆書擅名海內

王偁

按閩書王偁字孟敷長樂人洪武中領鄉薦永樂初以薦授翰林檢討學博思深行草類蘇子瞻

劉素

按江寧府志劉素字太初永樂中以正書選入翰林供奉

宣嗣宗

按東里續集宣嗣宗字彥祁嘉定人永樂三年詔郡縣舉楷書士彥祁既命從中書舍人書詔救無幾簡從事翰林諸學士皆重之宣德初爲吏部員外郎

沈度

按東里集沈度字民則華亭人少力學善篆隸真行八分洪武中舉文學不就成祖擢爲翰林典籍一時翰林善書如解大紳之真行草胡光大之行草滕用亨之篆八分王汝玉梁用行之真楊文遇之行皆知名當世而胡解及度之書獨爲上所愛凡玉冊金簡用之宗廟朝廷藏祕府施四裔刻之貞石傳於後世一切大制作必命度書度書婉麗飄逸雍容矩度八分尤爲高古渾然漢意累官翰林學士

按明世說新語太宗徵善書者試而官之最喜雲間二沈學士九重度書每稱曰我朝王羲之

沈粲

按松江府志沈粲字民望善真草書飄逸道勁自成一家自中書舍人累官翰林修撰侍讀春坊庶子大理寺左少卿致仕

按書史會要粲草書法宋仲珩

按吏隱錄沈度嘗言於上云臣有弟粲其書勝臣遂

亦被徵用

按儼山集國初書學吾松嘗甲天下大抵皆源流於宋仲溫陳文東至二沈先生特以豪翰際遇文皇入官禁近屢遷爲翰林學士故吾鄉有大學士小學士之稱民則不作行草民望時習楷法不欲兄弟鬩爭能也

沈藻

按松江府志沈藻字凝清學士度子以父任爲中書舍人遷禮部員外郎亦以書名

按書史會要藻真行草書並佳論者云有父風

沈潮

按東里集沈潮度之孫永樂十九年卒年十八所爲詩千餘首手錄近代名人詩文及臨寫古法書尤多

滕用亨

按延休堂漫錄滕用亨初名權字用衡避諱更今名蘇人自少游學四方頗多見聞問學辨博文詞爾雅尤精六書之學篆法之妙高出近世永樂三年被薦時年幾七十矣召見面試篆書用亨作麟鳳龜龍四大字又獻禎符三詩稱旨授翰林待詔預修永樂大典在官四年卒用亨善鑑古器物書畫嘗侍上閱畫卷衆目爲趙千里用亨頓首言筆意類王晉卿及終卷果有駙馬都尉王駝名

按匏翁家藏集用衡所獻禎符之詩三篇手寫副本而正書篆隸皆具蓋用衡以能書薦起篆隸九其所長時未授職故欲以此自見也

按書史會要用衡正書師虞永興

按妮古錄用衡多聞強記尤精究六書法好古博雅

自三代秦漢而降山鐫石刻篆籀分隸之文靡不研窮考覈探極其源商彝周鼎款識晉唐宋名公圖畫見輒能辨其是非吐論恆傾座間雖垂老如壯夫永樂時徵入修大典爲仕佐郎姑蘇人也

王璉

按詹氏小辨王璉字汝玉以字行號青城山人其先蜀之遂寧人從父宦游占籍吳中官翰林檢討直內閣贈太子賓客諡文靖小楷行書法晉人皆雄秀

王璉

按史書會要王璉字汝器官至翰林侍講從宋景濂學詩文古雅亦善書與弟璉齊名

梁時

按吳江縣志梁時字用行吳江人博學工文章亦善筆札洪武二十一年以善書薦授岷府紀善永樂初遷翰林典籍

楊文遇

按書史會要楊文遇官翰林學士善行書

夏昶

按吳中往哲像贊夏昶字仲昭崑山人舉進士爲翰林庶吉士以工楷法得幸文皇帝命書官殿榜授中書舍人累遷太常寺卿

夏昶

按甫田集夏昶字孟暘太常卿仲昭之兄能書初未知名洪武季年爲永寧丞謫戍雲南永樂乙未仲昭以進士簡入中書習字上臨閱稱善仲昭頓首謝因言臣兄昶亦能書召試稱旨命與仲昭同拜中書舍人時稱大小中書